



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

X. Die Markgrafen Johann und Otto bestätigen eine Schenkung des Ritters Gerhard von Kerkow an das Kloster Neuendorf (1 Talent Denare in Dolle), am 22. April 1258.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

memoria facienda ac pro animarum suarum remedio compararunt, que quidam ex eisdem nostris fidelibus a nobis haecenus in p̄eodo tenuerunt, proprietatis titulo donare curaremus eisdem, quarum petitionibus cum ad anime nostre salutem cedere videantur et pium sit deo deservientibus subvenire, ne, cum in temporalibus sustineant detrimentum, earum tepescat devotio et ipsis in divino obsequio fastidium generetur. Notum facimus Christi fidelibus universis et presentibus protestamur, quod nos propter amorem Dei pariter et honorem atque ob reverentiam predictae gloriose semper virginis matris ejus nec non fidelium nostrorum instantiam predictae abbatisse et collegii memorati precibus annuere cupientes ipsa bona, que hucusque a nobis in p̄eodata fuerunt, eisdem proprietatis titulo singulis annis percipienda perpetuo, contulimus animo liberali, dantes ipsis omne jus, quod nos aut heredes nostri habuimus vel habere potuimus in eisdem. Sunt autem hec bona villa Stazcits cum omnibus attinentiis suis, in villa Wardenberge duo chori siliginis pro memoria Walteri de Koningsmark quondam mariscalci nostri, in villa Kotene duo talenta, que Albertus-Valia comparavit, in teloneo Gardelege unum talentum, quod Bertoldus de Wodenwege comparavit, in villa Bocholte decem solidi pro memoria Conradi de Stendale, in villa Nipitz unus chorus siliginis quem comparavit Philippus de Stockem. Vt autem hec nostra collatio sive donatio omnibus elucefeat et ne cuiquam in posterum dubium oriatur neque a quoquam heredum aut successorum nostrorum valeat immutari, presentem paginam conscribi fecimus et sigilli nostri munimine consignari. Hujus autem rei testes sunt Theodericus plebanus de Gardelege, Henricus, dictus de Rogats, ejusdem collegii tunc prepositus, Henricus canonicus Stendalensis, curie nostre notarius, clerici. Johannes de Rossow, Johannes de Woztrow, Ericus et Wernerus fratres, dicti de Gardelege, Philippus de Stockem, milites, et alii quam plures. Datum Gardelege, anno gratie M. CC. LIII., in die paraveves, indictione XIIa.

Orig. in M. Ein Sig. ped. — Bestn. 110. fehlerhaft.

X. Die Markgrafen Johann und Otto bestätigen eine Schenkung des Ritters Gerhard von Kerkow an das Kloster Neuendorf (1 Talent Denare in Dolle), am 22. April 1258.

Johannes et Otto, dei gratia Brandenburgenses marchiones, Omnibus in perpetuum. Ut quod rite agitur, iuste ad posteros referatur, Christi fidelibus universis tam presentibus quam futuris volumus notum esse, quod fidelis noster dilectus Gerhardus, dictus de Kirkowe, miles, in nostra constitutus presentia recognovit, se ecclesie Sancte Marie virginis de Niendorp talentum denariorum in oppido nostro Dolle in censu arearum situm pro suorum absolutione peccaminum simpliciter contulisse. Quam siquidem collationem ejusdem fidelis nostri moti precibus gratam ac ratam habentes ipsam diete ecclesie pietatis intuitu confirmamus, tradentes ecclesie memorate in testimonium confirmationis predictorum presentes literas sigillorum nostrorum munimine roboratas, adhibitis testibus idoneis, quorum nomina sunt hec: Henricus de Bardeleve, Ericus de Gardelege, Thidericus de Bercholt, dominus Albertus Stendaliensis prepo-

fitus et Heidenricus curie nostre cappellani. Actum Dolle, anno domini M. CC. LVIII., X. Kal. Maji.

Orig. in M. Beide Siegel sind verloren. — Befn. 112. — Gerden, Diplomataria II, S. 76.

XI. Die Markgrafen Johann, Otto und Konrad verkaufen dem Kloster Neuendorf das Dorf Cheine, am 25. März 1270.

In nomine sancte et individue trinitatis. Amen. Nos Johannes, Otto et Conradus, dei gratia marchiones Brandenburgenses, — — cenobio sanctimonialium in Niendorf villam nostram Cheine vendidimus et libere dimisimus pro triginta marcis Stendaliensis argenti cum omnibus attinentiis ejusdem ville, cum pratis et pascuis et lignis viis et inviis et cum omni jure, quod habere videbatur (pro videbatur) in eadem hucusque, proprietatis titulo perpetuo possidendam. Testes hujus rei sunt dominus Hermannus de Gardelege et dominus Buffo de Kocftede, dominus Heino de Woldenhagen, dominus Philippus de Stockem, dominus Wernerus de Ammenfleve et filius suus Ghero et plurimi alii milites, prohi et honesti, famuli fide digni. Ne igitur etc. — — hanc nostram litteram cenobio prefato conferri jussimus sigillorum nostrorum appensionibus roboratam. Data sunt hec et acta in civitate Stendal, anno domini M. CC. LXX. octavo Kalendas Aprilis in annunciatione beate virginis Marie, per manum Aluardi, tunc curie capellani.

Orig. in M. Ein Sig. ped. des Markgrafen Johann, die zwei andern Siegel sind verloren gegangen. — Befn. 112.

XII. Die Markgrafen Johann, Otto und Konrad vereignen dem Kloster Neuendorf 7 Hufen in Groß-Schwechten und bestätigen alle früheren Schenkungen an das Kloster, am 29. Januar 1278.

In nomine sancte et individue trinitatis. Amen. Johannes, Otto et Conradus, dei gracia marchiones Brandenburgenses. Vniverfis hanc paginam inspecturis in perpetuum. Ne ea que coram nobis aguntur, successus temporum aut oblivio rerum abolere valeat, consuevimus ipsa litterarum testimonio eternare. Hinc est, quod constare volumus tam presentibus quam futuris, quod nos ducti pia intentione et affectu ob salutem et remedium animarum nostrarum nec non progenitorum nostrorum claustrum sanctimonialium in Nyendorf Cisterciensis ordinis proprietatem septem mansorum sitorum in magno Suecten (Swechten), quos videlicet mansos Johannes, Arnoldus et Antonius filii quondam Antonii, burgenfes Stendalienses, a nobis tenuerunt